

Leo Tuor per tadlar

(cp) Ils cudeschs da Tuor èn vegnids publicitgads e premiads numerusas giadas ed era translats en pliras linguas. Usà cumpara per l'emprima giada ina trilogia auditiva: *Leo Tuor e Wolfram Berger* prelegian passaschas per rumantsch e tudestg ord las obras Catscha sil capricorn en Cavrein, Giacumbert Nau, Onna Maria Tumera ni Ils antenats. In refrestg auditiv per tut tgi che ha gugent las obras da Leo Tuor ed in gaudi per tut quels che vulan scuvrir quest autur sursilvan.

Il studio dal anteriur DRS2 ha produci 1994 ina pastorala da l'ovra Giacumbert Nau e 2005 lura registrà passaschas ord Onna Maria Tumera ni ils antenats. Quellas registraziuns èn vegnidas emessas sulet duas giadas. Da l'emissiun da Giacumbert Nau ha RTR produci pli tard ina ediziun limitada da discs, ch'è prest stada exausta. L'onn 2010 è cumpari Catscha sil capricorn en Cavrein tar la CER; ord quest cudesch è ussa vegnì produci in terz monolog auditiv cun il medem concept: Leo Tuor e Wolfram Berger prelegian passaschas che furman

l'artg dal cudesch, l'accompagnament musical ha *Flurin Caviezel* contribuì cun l'accordeon.

Per nossa chasa editura munta questa publicaziun auditiva da pudair publicitar l'emprima giada ina trilogia auditiva, per l'autra irradiéscha la lingua rumantscha en tun original da l'autur sur ils cunfins linguistics ora.

Disc Cavrein: Leo Tuor prenda il lectur en las muntognas. Sin chatscha da capricorns. Regl da chatscha e blaisas fruntan cun vardads sempiternas da vita e mort, pertge il spiert e la val moran mai.

Disc Giacumbert Nau: Giacumbert Nau è ina pastorala senza idilla. Giacumbert rugalescha la fanestra cun plastic e scultschanischa la vischnanca, ils purs.

Disc Grossvater mit Haken: Ina istorgia da famiglia ord perspectiva dal buobet. Sper la basatta Onna Maria gioga il tat che veva mo in bratsch ina rolla centrala.

Questa trilogia auditiva vegn preschentada als Dis da Litteratura. Sonda, ils 5-11-2016, las 11.00. Cun Leo Tuor e Flurin Caviezel.